



Resolución do 29 de maio de 2020 da Axencia Turismo de Galicia pola que se convoca o procedemento de concorrencia para a selección dunha entidade financeira colaboradora para a xestión dunha axuda económica a colectivos de empregados públicos dos ámbitos sanitario e socio-sanitario, como consecuencia dos servizos prestados no contexto da crise do COVID-19, a través do Bono Solidario.

A Axencia Turismo de Galicia vai proceder á convocatoria da concesión dunha axuda económica aos empregados públicos pertencentes aos colectivos de traballadores sanitarios e socio-sanitarios, que prestan os seus servizos no Servizo Galego de Saúde (Sergas) e na Consellería de Política Social, e que, co seu traballo e esforzo, fixeron fronte a situación de emerxencia de saúde pública ocasionada polo COVID-19 prestando atención ás persoas vítimas da pandemia nos distintos centros dependentes destas unidades, nunhas circunstancias extraordinarias e especialmente complexas.

A contía da axuda consistirá nunha achega económica en pagamento único de 250€.

A axuda farase efectiva a través da denominada tarxeta “Bono Solidario”, a cal só poderá ser utilizada en establecementos turísticos radicados en Galicia e adheridos ao programa.

A Lei 9/2007, do 13 de xuño, de subvencións de Galicia prevé a posibilidade de contar con entidades colaboradoras no procedemento de xestión de axudas públicas. Neste sentido o seu artigo 9 establece que será entidade colaboradora aquela que, actuando en nome e por conta do órgano concedente para todos os efectos relacionados coa subvención, entregue e distribúa os fondos públicos ás persoas beneficiarias cando así se estableza nunhas bases reguladoras, ou colabore na xestión da subvención sen que se produza a previa entrega e distribución dos fondos recibidos. Estes fondos en ningún caso se considerarán integrantes do seu patrimonio.

Igualmente establece no artigo 13.4 que cando as entidades colaboradoras sexan persoas suxeitas a dereito privado, seleccionaranse previamente mediante un procedemento sometido aos principios de publicidade, concorrencia, igualdade e non discriminación e a colaboración formalizárase mediante convenio, salvo que polo obxecto da colaboración resulte de aplicación plena a Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.





Tendo en conta que o obxecto da colaboración definido nesta resolución non supón, a cargo da Administración, unha contraprestación directa a favor da entidade colaboradora, o obxecto da colaboración pretendida non entra dentro dos obxectos propios regulados na Lei de contratos do sector público. Por iso, de acordo co citado artigo 13.4 da Lei 9/2007, de subvencións de Galicia, resulta suficiente para a elección da entidade, a convocatoria e tramitación dun procedemento sometido aos principios de publicidade, concorrència, igualdade e non discriminación que se entende convocado por esta resolución.

Primeiro. Convócase procedemento para a selección da entidade financeira colaboradora para a xestión da axuda económica que se fará efectiva a través da tarxeta “Bono Solidario” e a entrega a través dela de fondos ás persoas beneficiarias da axuda, de acordo coas instrucións que proporcione a Axencia Turismo de Galicia de conformidade coas resolucións de concesión das mesmas .

A entidade colaboradora actuará en nome e por conta do órgano concedente e únicamente aos efectos relacionados coa xestión desta axuda.

O modelo de solicitude de participación nesta convocatoria e o modelo de convenio que se subscribirá atópanse a disposición das persoas interesadas na web da Axencia de Turismo de Galicia <https://turismo.xunta.gal/>.

Segundo. O obxecto da colaboración é a xestión da axuda económica a través da tarxeta Bono Solidario, que consiste na posta a disposición das persoas beneficiarias pertencentes aos colectivos de empregados públicos sanitarios e socio-sanitarios dunha tarxeta prepago cargada cun total de 250€ . Dita tarxeta non poderá ser recargada nin ser utilizada máis ala da finalidade prevista na presente resolución salvo indicación expresa da Axencia Turismo de Galicia.

O importe da axuda farase efectivo nun único pagamento unha vez concedida.

Para estes efectos subscribírase o oportuno convenio de colaboración coa Axencia Turismo de Galicia conforme ao modelo tipo dispoñible na web.

Terceiro. Poderán participar neste procedemento as entidades de carácter financeiro que teñan personalidade xurídica e plena capacidade de obrar e cumpran os seguintes requisitos:





- Ter oficinas comerciais abertas, cando menos, nos concellos de máis de 20.000 habitantes das catro provincias galegas
- Ter colaborado na xestión financeira da Xunta de Galicia nos últimos dous anos

Cuarto. O prazo de duración da colaboración estenderase dende o momento da sinatura do correspondente convenio ata o 31 de decembro de 2020.

O devandito prazo poderá ser prorrogado de conformidade co disposto no artigo 23 da lei 39/2015 de procedemento administrativo común.

Quinto. As obrigas da entidade colaboradora son as que se recollen a continuación:

- a) Ter habilitado o procedemento operativo para facer efectiva a axuda ás persoas beneficiarias na primeira quincena de xullo de 2020.
- b) Facilitar un soporte de tarxeta financeira interoperativa en calquera establecemento turístico adherido ao programa e que permita instrumentar os abonos da subvención.
- c) Permitir que todas as persoas que lle comuniquen a Axencia Turismo de Galicia sexan titulares das correspondentes tarxetas sen ningún requisito a maiores e con independencia de que sexan ou non clientes/as da entidade.
- d) En caso de establecerse a posibilidade de recarga, prever o proceso necesario e, cando corresponda, as sucesivas recargas mediante un sistema automatizado de envío/recepción de ficheiros.
- e) Contemplar un deseño físico da tarxeta acorde cos requirimentos de imaxe que a Axencia Turismo de Galicia defina.
- f) Habilitar a entrega de tarxetas e documentación aos beneficiarios, coa gráfica e contido que esta última decida e respectando a orde indicada nos ficheiros de solicitude.
- g) Permitir unha parametrización de establecementos/sectores de actividade nos que se admite a operatividade da tarxeta con independencia da entidade financeira coa que os establecementos comerciais teñan contratado o seu servizo de pagos.





- h) Habilitar un sistema seguro de activación de tarxetas válido para todas as persoas beneficiarias da subvención, con máis dunha canle de acceso.
- i) Facilitar canles que permitan ás persoas titulares da tarxeta acceder á consulta dos movementos e do saldo remanente nela en cada momento.
- j) Habilitar á Axencia Turismo de Galicia para que esta poida recuperar os fondos residuais das tarxetas cando proceda en cumprimento das bases reguladoras da subvención.
- k) As partes asinantes virán obrigadas en materia de protección de datos a cumprir co Regulamento (UE) 2016/679 do Parlamento Europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e á libre circulación de estes datos e polo que se derroga a Directiva 95/46/CE (Regulamento xeral de protección de datos); coa Lei orgánica 3/2018, do 5 de decembro, de protección de datos persoais; e demais disposicións vixentes sobre a materia

Deberan manterse a xestión das bases de datos das persoas titulares das tarxetas á marxe das bases de datos da clientela da entidade financeira non podendo utilízalas para ningún fin distinto da propia administración e xestión da tarxeta

- l) Cumprir cos requisitos e obrigas impostas pola Lei 9/2007, do 13 de xuño, de subvencións de Galicia, particularmente co disposto nos artigos 10 e 12, así como polo Decreto 11/2009, do 8 de xaneiro, polo que se aproba o Regulamento da Lei de subvencións de Galicia.

Sexta. Non se establece remuneración económica ningunha a favor da entidade seleccionada.

Sétima. Os criterios obxectivos que servirán de base para a adxudicación deste procedemento de selección son os seguintes:

- ✓ Proposta técnica (ata 70 puntos): A proposta da entidade recollerase nun documento técnico que recolla coa amplitude e detalle precisos todos os elementos necesarios para a articulación da colaboración solicitada.





- ✓ Memoria xustificativa do número e cobertura das canles habilitadas para facilitar ás persoas usuarias tanto a utilización das súas tarxetas (con especial incidencia respecto do número de oficinas comerciais, caixeiros automáticos e TPV instalados, así como a súa distribución ao longo dos diferentes concellos galegos) como o acceso á información relativa a elas (ata 30 puntos).

Oitava. As entidades de carácter financeiro interesadas en participar nesta concorrência deberán formular solicitude no prazo máximo de cinco días naturais que se contarán a partir do seguinte ao da publicación deste anuncio na páxina web da Axencia Turismo de Galicia.

A solicitude axustarase ao modelo que se atopa na web e irá dirixida á Dirección da Axencia Turismo de Galicia, Consellería de Cultura e Turismo. As solicitudes presentaranse obrigatoriamente por medios electrónicos a través da sede electrónica da Xunta de Galicia, <https://sede.xunta.gal>, e irá acompañada da seguinte documentación:

-Escritura de constitución/modificación.

-Poderes acreditativos da representación da persoa que asina a solicitude de participación

-Declaración responsable de non estar incurso nas prohibicións para obter a condición de entidade colaboradora do artigo 10 da Lei 9/2007 de subvencións de Galicia.

-Certificación actualizada de estar ao corrente coas obrigas tributarias e de Seguridade Social.

-Declaración responsable do cumprimento dos requisitos establecidos no apartado terceiro, sen prexuízo da súa verificación ou acreditación posterior.

-Proposta técnica, memoria e toda a documentación que a xuízo da entidade permita á Administración valorar a solicitude conforme aos criterios obxectivos fixados no apartado sétimo.





XUNTA DE GALICIA

CONSELLERÍA DE
CULTURA E TURISMO
Turismo de Galicia

Estrada Santiago-Noia, Km. 3
15897 Santiago de Compostela
Teléfono 981 546 358
<http://www.turismo.gal>



Novena. Finalizado o prazo de presentación de solicitudes estas serán analizadas e o procedemento resolto pola Dirección da Axencia Turismo de Galicia.

Santiago de Compostela, data da sinatura dixital

A directora da Axencia Turismo de Galicia

M^a Nava Castro Domínguez

